

四庫全書

集部

欽定四庫全書

柯山集卷十四

宋 張耒 撰

五言律詩

從黃仲閔求友于泉

炎暑戰已定
清秋當抗衡
碧雲生雁思
幽草見蛩情
曉麥村墟靜
觀書枕簟清
誰能酌玄酒
來破屈原醒

清洛

清洛西風急遙知故國秋
羈游成歲月疎放合淹留地
迴驚身老山高更旅愁
登臨有詞賦不減在荊州

落日

落日西風急空山客獨驚
夕雲寒不動秋水暮多聲
粟厭周人飯尊思故國
羹南飛有征鴈羨爾羽毛輕

贈陳履常

勞苦陳夫子欣聞病肺蘇
席門遷次數僧米乞時無旨
蓄親庖急青錢藥裹須我場
方不給何以繫君駒

至安化驛先寄淮陽故人

蕭條安化驛倦客思悠哉積水連天闊青山送客來疎
籬風捲葉敗屋雨生苔寄語淮陽舊人今放逐回

發金陵折柳亭二首

綠袞溶溶日紅飛寂寂春青山今古事芳草去來人歌
吹酒家市帆檣賈客津誰云絕勝地登眺更傷神

桃李蕃晴日江山秀晚春孤舟多病客長道未歸人豪
俗競行樂倦遊慵問津南山還暮雨疑有楚臺神

秋日

隕葉鳥不顧，枯莖蟲莫吟。
野荒田已獲，江暗夕多陰。
夜語聞山雨，無眠聽楚砧。
敝裘還補綻，披拂動歸心。

次韻斯舉送巖桂新釀

叢桂仙君子，小山幽處芳。

案此下脫三字

鄙素漢殿略，塗黃有

客憐衰病，新醕許撇嘗。
併將塵外物，助我北窗涼。

發安州作

積雨陂塘秀，南風蒿艾肥。
鳥隄立橫隴，白鳥下深畦。
雲

木叶杜宇曉林啼竹雞平生倦遊興賴有濁醪攜

賦得瀑布

浩浩自太古洋洋灌百川深將一源潤首出萬峯巔晴
浴岱宗日香通華嶽蓮應有真仙子揮榜上青天

江城

江城寒食近風雨作輕寒花落已可惜春衣猶怯單畏
人成不出已老自無歡沽酒金明道回頭十五年

都梁亭下

金塔青冥上孤城蒼莽中淺山寒帶水旱日白吹風人
事劇翻手生涯真轉蓬高眠待春漲鮭菜伴南公

過孝感縣十里所望一土山下有漁舟呼之不來
委舟負魚徑去不顧俄有一舟不待呼自擎舟直
前取舟中美魚致之求價甚賤予倍與之值卒辭
倍值而去予語之曰爾不待招而赴人之求仁也
售不求厚價廉也子豈有道者乎茲楚境也昔有
勸屈大夫以餽糟啜醢者豈非子耶為作一篇

有道隱屠釣仁庶非偶然傾筐出紫餌揮手謝青錢昔
有離騷客名高楚國賢獨醒遭爾笑吾幸醉終年

二月三日艤舟徐城戲呈戚郎

自嗟為客久羈旅過淮時雪野挑蔬瘦霜天煖酒遲流
年下坡轂萬事一枰碁異日懷陳迹孤舟近古祠

重到臨淮壽聖院

陳迹不可訪舊游三十年相逢非故物大半已沈泉世
界揚塵海溷生不繫船老人無固必醉即掩篷眠

舟中曉思

樹色未啼鳥，漿聲初度航。
客燈青映壁，城角冷吹霜。
飄泊年來甚，羈游情易傷。
年豐清潁尾，吾計亦差良。

將至漢川夜泊

水翼飛栖定，連檣宿暝烟。
葦風驚客夢，江月伴人眠。
多病閒偏樂，苦吟愁易牽。
漁郎爾何恨，終夕獨鳴舷。

酬同年徐正夫司戶時欲卜築嵩洛間

少別老相見，無言空惘然。
功名屬多病，詩酒樂衰年。
釜

厭顏公粥囊須趙壹錢歸裝何日辦嵩少好林泉

何處春深好二首

何處春深好春深禪宿家茶爐寒風火佛案曉添花壞
宅無妖火通途有寶車院深人不到惜影逐風斜

何處春深好春深居士家荒園幾畦菜環堵數株花自
蠟登山屐仍驅下澤車時時客問字醉帽任傾斜

次韻寄趙伯堅二首

西湖望中渾能有幾多程問訊懶不講篇章來愈清為

邦循舊政把酒憶交情祝子過新歲春風入帝城
相思何處望月閣對南堂念子猶記我懷君時舉觴可
能思願好端是種花忙閒說河陽政佳哉副所望

陋屋

陋屋秋霖後荒城落葉中壞牆朝挿菌幽草晝聞蛩豈
是不浪出直緣無奈慵何勞求季主吾自了窮通

道旁花

長夏百草秀道旁多野花無名自紅紫有意占年華灼

灼照流水斑斑上古槎中原何日掃將爾付泥沙

寺西間步

閭里靜無事野塘春水生好風時獨立芳草共閑行
月遲春候輕陰弄晚晴鄰炊烟火動下舍晚鷄鳴

已醒

已醒厭厭醉將開灼灼紅年年到春日忽忽遇東風
暇日如年永閒愁似酒濃時能將醉眼天際送飛鴻

題廬阜官廳

欽定四庫全書

卷十四

平生山水興今夜宿東林落日樓殿影西風鐘梵音雲
橫山閣迴雨過虎溪深腳力猶堪在他年當重尋

今早將飲酒聞鶯有感

蕭條古蘭若春日等閒斜唧唧初聞燕忽忽又過花舊
遊都似夢到處即為家把酒聽鶯處羈懷感歲華

破幌

破幌一點白臥知千里明低牕通雪氣喬木尚風聲傳
警軍城靜鳴鐘梵刹清高眠尋斷夢鄰樹已烏鶯

食筍

荒林春足雨新筍迸龍雛鄰叟勤致饋老人欣付厨朝
餐甘飽美放筴為嗟吁惜取葛陂杖猶堪代我駒

夜意

每見青桐落常虞白髮侵傷心惟片月不睡更清砧蟋
蟀秋聲早銀河夜色深崎嶇無限意蕭索一長吟

秋雨

階下梧桐樹芳菲亦已休歲時驚病客風雨送清秋栖

鳥歸何晚鳴蟲響漸收蕭蕭寒色暮吹作夜深愁

秦兵部書堂

丈人憐我厚許與過常情身世已迂闊功名何敢爭笑
談忘晚輩樽俎罄生平欲斲臨淮地從公老此生

日落

日落長雲暗風悲古岸秋渚鷗遙避客野蝶戲隨舟疎
拙資微祿飄零厭遠遊若無尊裏酒何物與消愁

晚卧

日落煩暑退秋晴河漢明微雲映天白纖月過林清獨
臥誰晤語幽懷殊未平蕭蕭夜深冷皓露滿前楹

捲簾

捲簾新月上林影散微茫庭草鳴蟲近風燈秋幌涼長
年惟有病晚歲苦多傷身世竟何就吾將問蜀莊

秋懷次韻晁應之三首

木落晚風急宵涼侵暑衣有期惟向老無計未成歸只
益顛毛脫還從髀骨肥感時仍弔古回首意多違

衰鬢不堪洗病軀先覺陰天寒白日短歲暮亂山深薄
酒醒無力危絃奏不禁謀身老逾拙三聽洛陽砧

清秋萬里興力疾上層臺歲熟堆兔飽風高榆柳摧晚
簞元自綠幽菊為誰開寂寞無人問鄉書久不來

冬至三首

昨夜新霜落淮南十月初寒雲風後白高木雨來疎功
業嗟謀拙星霜逼歲餘子雲貞拙者寂寞為玄書

汴水日夜淺天寒霜野寬拂衣秋葉亂衝面北風寒不

作歸山計空悲走馬鞍濟時吾力薄俛仰一悲歎
孤衾不成寐起坐聽雞號樓閉更籌靜天寒星斗高蕭
條陶令酒清怨楚臣騷凜凜悲秋意何須待二毛

青陽驛會劉伯聲夜話

奔走倦塵埃相逢顏暫開語闌燈燼改飲散月華來行
役風霜苦流年歲月催我愚甘自分惆悵子多才

十二月二十六日旦聞東堂啄木聲忽記作福昌
尉時在山間環舍多老木臘後春初此鳥尤多聲

態不一今琵琶箏中所效既不類又百不得一二云
睡餘聞啄木忽憶福昌春官舍題詩壁如今經幾人猶
能老耽酒依舊拙謀身尚想蘭宮格東風清洛濱

次韻和王彥昭九日湖園會飲

故人憐寂寞九日共登臨天地客行遠山河秋已深狂
來能醉舞興罷獨悲吟莫怪淒涼甚多憂損壯心

暮春三首

還將多病眼冉冉對殘春啼鳥日求侶晚花如向人物

情懶著意杯酒最關身亦有功名志吾生付大鈞
應接非吾事深幽興有餘筍深鳴鳥下花薄午風疎草
淺見飛雉溪清生細魚端居亦多趣不用席門車

紅點薔薇架綠深桃李溪語鶯知果熟忙燕聚新泥節
物有常態羈遊無定栖寧須說鵬鷃物理固應齊

之天長會宿僧院

蕭條林下寺客至解塵鞍雨過月逾白夜深秋向寒老
僧無俗累愛客故盤桓之子靜相對松風清石欄

宿銅陵

山色日已遠，問人歸路長。
碧天涼夜濶，秋物雨餘荒。
人靜路傍寺，鳥啼林下房。
銅陵竟何就，空死漢吳王。

連水

孤舟逆水上，野靜聞水聲。
鷗飛不遠水，寒浪濺霜翎。
夜氣岸蕪木，夕光潭照星。
長吟弄雙槳，知有睡龍驚。

一日復一日

一日復一日，炎涼行一周。
異鄉猶在望，白髮久生頭。
且

看尋撞技休懷失馬憂天公有至信萬古一春秋

索莫

索莫歸未得閒雲還滿空愁吟對寒月不睡到晨鍾
衣喜初冬寄書憐手自封何當聽夜雪煖酒夜爐紅

上方僧

不下上方地夜禪心慮冥三更風雪暗一點佛龕燈持

鉢呪潭水鬼神拳跪聽

案此下
脫二句

冬夜

山靜寒雲薄
天空孤月明
霜桐占堦影
風葉繞廊聲
經濟心難就
蹉跎歲屢更
冥鴻本清遠
何事亦宵征

和得故人書

來書繞一紙
離別意何長
應為相思苦
還能細作行
水浮新恨
濶花想舊容
芳欲問人何處
青樓在帝鄉

和西齋

山色供開鏡
溪光照掩扉
暗蟲先夜響
萎葉近秋飛
灌壠晴蔬出
開籠暮鶴歸
鳴琴坐朗月
輕露點秋衣

和北寺

寺倚蒼崖古僧閒晝掩扉曉雲辭嶺去夕鳥占林歸悟
理觀旃動臨風想錫飛寄懷玄觀外更覺此生微

食薇

歲窮陰不解短日過墻微幽鳥穿林小寒鳥啄樹饑冰
霜崖嶺壯烟火井閭稀老拙安閒僻無心厭食薇

春寒

客舍逢桃李清樽聊自歡夢中經夜雨醉裏度春寒草

色遠還綠鳥聲晴更繁預期多病眼花發更辭看

遣悶

為問庭前鵲歸期何太遲舊傳能報喜東去是何時黃
葉西風急幽花白露滋朝朝清洛水坎坎只東馳

歲暮書事十二首

歲晏北風疾山空萬谷號木枯隨意折鴻斷不成高深
屋支蓬戶溫爐煖緼袍老夫原不寐鳴竹鼓蕭騷

清洛魚梁淺霜鱗素鯽肥供厨調鼎快充腹此羹稀老

去只便飽年來甘息機寒江鱸膾美悵望未成歸
風捲塵沙白雲垂雪意凝夜山時叫虎晚市早收燈園
栗炮還美村醪醉不能三年官況味真是冷于冰
牛羊已歸去殘照滿山陂霜雁田中靜風鳶木杪悲川
原今自若龍虎昔交馳丘隴耕桑盡千年不復知

原廟依岡起傳聞世祖營南陽無雌雄熊耳合投兵霜
日遙原路天風栢殿聲山川英氣在不負昔聞名

北風吹馬疾石徑上危基野俎飽羶脯山爐煮稼糜寒

耕敲凍石獵火上風枝留滯親麋鹿多慙髮欲絲
壯心常許國平日討論兵天地身將老山河意欲驚病
多緣痛飲吟苦更傷情斗酒新豐市何人問馬生
自昔周人俗貪庸巧治生千金不冠帶一飲起紛爭佩
犢攻攘歛通書為姓名二南分陝化寂寞久無聲

千載傷頑俗遺風耿未忘陳荒丘擊鼓魏徧女縫裳遠
客防猜嫉官居備寇攘妻兒怪多喜清洛有歸艎

陳葉不肯墮凍醪凝未融寒林晴有影霜日冷無風許

國片心壯勞生雙鬢蓬功名任愚智萬事古今同
日落擎明燭一杯千里心驕兒驚醉舞山僕怪悲吟谷
冷水流急天昏雲起陰三更何處雁急急尚哀音

雲去暮天迴雁飛寒夜長姮娥守孤月青女恨連霜不
寐看銀燭長吟送羽觴山爐與石鼎伴我老他鄉

宿東魯父居二首

夕陽低欲盡春淺色蕭蕭暝色催歸牧炊煙向晚樵疎
星臨水際遠火隔村橋黯黯柴門夜栖鴉對寂寥

郡國何時極羈愁觸處生望隨天不盡春共野蕪平煙
樹淮南濶漁鹽楚俗輕飄零五年別歎息鬢毛更

淮上夜風

縣郭初傳柝船窓已閉篷星低春野路月淡夜淮風烟
水東南濶漁鹽吳楚同久遊諳里社賒酒問鄰翁

春望

鳥去晴雲外帆歸芳草邊平淮分綠野春樹接低天殘
枿寒餘燒新青雨後田年來千里目容易淚雙懸

村晚

深塢繁花麗晴田
細逕分孤舟春水路
芳草夕陽村暗
雀投簷靜昏鴉集樹喧
牛羊自歸晚燈火掩衡門

夜意

荒城轉五更北斗向誰傾
穴鬪時爭齧林棲或自驚
老來神慮淡睡足骨毛輕
石磬催僧粥低窻枕畔鳴

春望

暖日晴薰草清淮濶浸天地
阜連遠水城廢入春田目

極風燈外愁懸淚臉邊人生苦多感花柳自年年

柯山集卷十四

欽定四庫全書

柯山集卷十五

宋 張耒 撰

五言律詩

同七兄及崧上人自墳莊還寺

和風快人意岸幘晚襟涼
日落野痕碧月生淮際
光論詩得靈運靜語屬支
郎不是耽閒散從來懶性
長

蔡河漲二首

長河秋雨漲極目漫難分潢潦雖無自龜魚恐有神天
寬垂鑒影風細起龍鱗老去扁舟興臨流欲問津

渾渾雖未已浩浩竟東歸濶處長天近澄邊一鳥飛西
風踈葦亂斜日遠村微淹泊從吾道扁舟伴釣磯

初秋對雨

閉戶理殘編踈慵得自便朝涼清病思秋雨對高眠屋
冷深藏燕槐踈混抱蟬所欣堂下菊芳意已鮮鮮

泊長平晚望

川隱夷猶棹春歸杳靄天翠深交岬樹綠野望川田漁
酒數家市船塙何處船登臨一回首無限意茫然

發長平

歸牛川上渡去翼望中迷野水侵官道春蕪沒斷堤川
平雙槳上天濶一帆西無酒消羈恨詩成獨自題

離建雄塗中

遠水悠悠靜孤檣裊裊遲草深春已後麥秀日長時聚
語條桑婦行歌拾穗兒年豐隨處樂飄泊我何為

夏日十二首

過雨芰荷亂繁陰竹樹多雛聲知鳥哺萍動見魚過細
逕饒苔蘚陰牆引薜蘿角巾從倒側踈懶欲如何

蚓壤排晴圓蝸涎印雨堦花鬢嬌帶粉樹角老封苔問
字病多忘過隣慵却回晚涼還盥櫛對竹引清杯

山雨晴來暑溪雲暗復興林塘陰不解巾幘潤還蒸書
帙慵披蠹盤餐厭撲蠅老來疲薊甚多病日侵陵

朝雨來還密村墟一望間遠聲惟野竹潤色但青山書

史供高卧莓苔只閉闔蕭蕭覺秋興飄颻近衰顏
細逕依原僻蓬蒿四五家山田來雉免溪雨熟桑麻竹
籠晨收果茅庵夜守瓜頗知農事樂彼此問生涯
養拙貧無事深幽樂更真簷巢偷哺子樹啄巧藏身竊
果鶯知主移居蟻過隣老夫朝食美薦俎有溪鱗
謝守常搜句陶潛亦効官傍溪分水細過嶽得天寬布
種隨蔬隴尋香到藥欄野裝兒稚笑繩屨鹿衣冠

久與山川約那無風月情經營原濶畧疎放自平生山

友招相見鄉書向遠征殷勤語歸計貧苦病難成
種藥幽人事還披本草經出山拋舊翠過雨有新青術
受壺中秘方傳肘後靈不辭勤服餌爲變髮星星

陶令拋官易龐公去隱深由來浮世事可見昔人心卜
築間多思奔馳病不禁簷楹來燕雀鸞鶴自山林

蛩怨青莎老螢飛秋水深庭除延夜色砧杵發秋心雄
劍鳴初匣寒衣補硬針老來詞賦懶從使二毛侵

夜色川原合秋聲草木催星辰隨地濶河漢寫山來栖

鶴涼先警饑烏夕未回高樓對斜月鳴笛正清哀

宿故濟陽城

案此題一本作宿濟陽道中

夜色蕭條寺天寒老病身空村惟有雪遠道更無人不寐依爐煖多愁賴酒醇遙思雙鳳闕雨露已先春

早秋感懷

永日付悠悠年華逝不留風聲送殘暑雲色淡新秋吾道倘有待窮通寧遽憂朝來望清潁一雁下汀洲

庫辰臘八日大雪二首

平生臘八日借鉢受齋糜客路歲將晚旅庖晨不炊持
杯從破律遣興自吟詩何日依禪宿鐘魚自有時

東州逢臘雪却憶竟陵梅客路人方遠天涯雁欲回遙
憐簷外白還點砌邊苔久是無人過誰知照酒杯

蒙恩除奉常有感

平生秉周禮投老奉龍旗斥逐偶不死歸來敢恨遲門
闌走賓客行李飭妻兒又踏長安道多慚鬢有絲

建平途次

野橋田徑滑官路柳條新流水伴麗日野花留晚春點
空知去翼衝綠有歸人自笑諳岐路無勞更問津

白沙阻風

春江風易惡故作客行難晴日開野色朝寒醒醉顏歸
人出斷岸去翼復前山淹泊無誰語村翁亦徃還

冬日雜興六首

小園晴自掃曝日坐前軒野鼠穿山葉寒鳥啄草根短
籬藩隙地別逕入孤村幽趣供岑寂淹留不復論

水落橋痕在沙乾岸草枯霜餘槐老壯風際竹清疎啄
木高逾響鵲鷁飛且呼二年親友絕惟有對禽魚

池館畱餘雪西山照夕曛臘催梅蕊迸春向鳥聲新愁
思供多病風光欲近人年年桃李樹相對只傷神

空山身欲老徂歲臘還來愁怯年年柳傷心處處梅綠
蔬挑甲短紅蠟點花開冰雪知何有東風日夜回

南壁蒼崖壯窮冬井落閒風聲先老樹日色避諸山落
雁饑相向啼鳥夕自還微微寒月影蓬戶已深闌

擊柝山城閉疎燈野店局疾風鳴夜谷暗水動浮星霜
翼歸何晚鄰機織未停短歌時自和愁絕更誰聽

哲宗皇帝挽詞四首

端拱循堯道無為十六年偏師擒頡利上將勒燕然夢
損周王壽丹催黃帝仙淒涼舊載筆慟哭抱殘編

秦地蟠螭紐細陽玉象光升歌陳備樂信史記多祥奪
邑公無怨開邊義侮亡威靈對三后常在白雲鄉

萬世興王業千年極治辰澤丘還北祭玉檢議東巡汗

竹人間事因山地下春雲天不可望髯斷泣遺臣

七月宮車駕西陵觀闕新風雲悲厚夜羽衛異時巡落
月低金爵秋蕪暗石麟威靈凜如在善繼有天倫

故僕射司馬文正公挽詞四首

黼座方恭點邦家付老臣頌歌民一口形勢國千鈞富
庶新田里忠臣舊搢紳裴公恨不早丘禱歎無神

辭爵浮雲外安民反手中山林獨往意袞繡太平功布
被終身儉貂冠一命崇他年兩行淚碑下泣羊公

經濟心猶壯清羸疾易傷那知兩楹奠遽失萬夫望家
有詩書積墳無金玉藏誰知幅巾欽曾佩上公章
伊洛平生興園林獨樂居曾過鄭公里得御李膺車華
屋當年客名山異代書定知傳不朽埋玉自沾裾

欽慈皇后挽詞二首

疇昔熙寧盛遠同麟趾時內敦勤儉德陰輔太平基餘
烈光彤史追榮備母儀遺民懷永裕簫鼓不勝悲

淑德承明舊徽音固有來據龍符聖嗣合劔會軒臺玉

冷衣銷馥鬱昏鏡集埃傷心國西道寂寞送車回

挽黃幾道

異政潁川鳳遺風叔度陂聞哀苦朋友歸葬束書詩百
歲鄉人社他年故吏碑知公萬金產故在阿戎兒

范參軍挽詞

力學志不就多才宦可嗟生平叔知己

原注參軍叔文正公也公少奇

之身後婦成家

原注參軍卒子幼朱夫人守義教子皆有立

溫洛新阡茂東

吳慶系賒功名付兒子文史舊生涯

任左藏挽詞

人也隱君子一官聊自閒誰能學管庫竟爾死茅管良璞不易剖大弔終不彎惟應太史錄他日出名山

張夫人挽詞

原注榮子鬻母

世德簪纓貴家風孝友傳承夫知不忌愛子故親賢飄忽人間夢生平物外緣諸天清淨報可但閱重泉原注夫人

飯依佛果

呂郡君挽詞

原注錢穆父妻

表海東侯長分吳異姓王世家端作合華裔遠相望龍
去孤神劒雛成九鳳凰多情潘散騎悼逝足文章

太府李萃卿挽詞

妙譽馳場屋家風在搢紳使華推厚德卿月上通津齒
德時方重山丘迹已陳長年先友淚懷感獨沾巾

太皇太后挽詞

共政艱難際臨朝保佑初經綸付耆老利澤到樵漁禮
盛謙常抑功成委不居聖君深致孝盡守典刑餘

李處道都曹丈挽詞

淒涼正始後尚復有斯人慟哭亦云已傷心難重陳傳
家雙令器懷德萬遺民尚想典刑在蕭然老鶴身

藥提舉妻石氏挽詞

和敬承夫順勤劬教子賢平生積淨業倉卒歎無年孤
劍留耿介九雛誰撫憐塵埃舊脂澤春草掩新阡

鄧學士慎思挽詞

清苦吟詩客癯羸嗜學身詩書不得力鬼物定欺人類

物傳遺學經書植妙因九原誰與友千載葬魚臣

潘鯁奉議挽詞

廉退辭榮早清貧卜吉遲買山新兆域從窆舊書詩松
菊留三徑簞瓢遺兩兒升堂舊賓客執紼涕交頤

哭蔡彥規二首

青衫未白首已歎掩新阡哭別自今日書來纔去年功
因鐘鼎記名賴友朋傳平昔園棊笑臨枰更泣然

文章不用世淪落掩山阿命也人無奈悲哉天謂何至

交嗟我少雙淚為君多遙想山陽墓秋風吹薜蘿

李少卿挽詞

青雲舊馳譽白髮早辭榮談笑惟詩酒交遊盡老成支
離病中見瀟灑舊時情已矣不可問九原松柏聲

五言長律詩

歲暮即事寄子由先生

歲暮淮陽客貧閒兩有餘朝昏面壁坐風雪閉門居老
去深依佛年衰更嗜書未能忘素業聊用慰窮途下里

皆平屋開門即古墟雞豚來近舍春汲賴隣夫雪壓移
來竹霜萎自種蔬烏皮蒙燕几褐帽裹僧顱肉似聞韶
客齋如持律徒女寒愁粉黛男窘補衣裾已病藥三暴
辭貧飯一盂長瓶卧牆角短褐倒天吳宵寐衾鋪鐵晨
炊米數珠木鑱隨杜脰葛製煖韓軀時命今如此功名
已矣乎談愁風射馬拙待免逢株久慕香城樂深諳夢
境虛誰憐九頓首正有一長吁瞻望身空老蒼茫歲欲
除何當聞妙誨黥剛待完膚

用歐陽文忠韻雪詩

密雪當殘臘衝風到華門
洒窓驚紙濕入竹覺聲繁
天濶飄無界城高積有痕
氣和歸麥隴水味到茶軒
廣陌無遊騎空郵有滯輶
炎爐聊自煖濁酒僅能溫
野迴征鞍設邊寒塞甲屯
振竒歌歷歷迴袖舞蹲蹲
客至須駝褐相逢賴酒樽
晴明占草木春意到閒園

題譙東魏武帝廟

草昧羣龍鬪英雄接上游
吳卑青蓋伏蜀陋葆車畱
挾

漢臨諸夏中原半九州人驚呂布縛誰信本初憂天作
西南限時方割據秋力終回赤壁功止霸諸侯歷數知
歸禹乾坤正造周事商完夙志傳子豈人謀銅雀佳人
恨西陵拱木秋千年故鄉廟歌舞薦牢羞

過衛真太清宮追懷章聖皇帝遊幸之盛小臣斐
然成韻

鳳歷開三葉中原正偃兵端居思道妙順動展精神函
谷傳經後渦陽舊宅新龍蟠泉不竭丹養檜長生鸞鶴

迎黃屋煙霞避翠旌
琳瑯千佩玉
貔虎萬屯營
邃殿仙容儼
靈庭盛禮行
書畱河上語
碑勒大夫名
歌罷秋風晚
弓遺藥鼎成
句陳嚴舊寢
輦道接新耕
日落重樓影
天寒暮鳥聲
異時懷往事
千古有餘情

天慶觀三色檜

原注一本而具
松栢檜三物

聚處歲寒物
生為千歲身
柯條雖自異
臭味本相親
商季諸公子
茅家賢弟昆
分驅衆彭惡
各共一清真
筭籟風中合
鱗鱗雨後伸
高枝如借便
輕舉豈無人

原注太
清宮有

升天檜傳記諸真

輕舉者多升樹

八月三日舟行自蔡河赴臨淮

曠野天垂地川晴水見沙河回
迷向背岸斷忽桑麻水濶時
浮鷺陂寒乍集鷗年饑田蕩
落歲晚客悲嗟新月排雲水
西風送日斜孤舟何處宿故
國已天涯

舟行即事二首

古岸生微靄空林挂夕陽
霞輝明野色天影戰波光
集鳥村墟暗鳴蟲禾黍荒
秋高月靜靜天末巧雲長
沙晚

橫歸艇川晴列去檣登臨自多感何必寄他鄉

去去路日遠行行歲向深晚田荒更闕秋野曉多陰岸
蓼飛寒蝶汀沙戲水禽迎風蘆顫葉眩日棗裝林早蟹
肥堪薦村醪濁可斟不勞頻悵望處處有鳴砧

發崔橋

野麥平蕪隴官榆卧古津眠鷗沙上曉幽草水邊春暖
葉生浮綠風漪起細鱗青新桑媪宮茜淨浣娘裙有客
悲芳芷無人採白蘋可憐千里目愁殺未歸人

和柳郎中山谷寺翠光亭長韻

山深疑路斷古寺忽開門喬木風霜急荒崖雲雨痕朝
霞明翠靄秋雨濯嵐昏幽鳥不避客閒雲時入軒重蘿
深更綠碧澗淺無渾寶地黃金布飛泉白玉噴庭閒臥
馴鹿果熟引王孫禪靜石為室客迷桃滿園每悲塵世
幻方信梵王尊野實飢堪薦陽崖冬自溫便當安寂寞
何事走歎煩清梵晨齋啟高松夜枕喧逢人休問道得
意已忘言直指曹溪路勞將貝葉翻功名嘆不偶歲月

去如奔久分踈軒冕寧辭友獍猿從容巖客話粗糲野
僧殮即是平生樂心期何日論

訪曇上人有感

上人稀出入黃葉閉門深繫馬長林下逢僧古殿陰相
逢成底事乘興偶來尋靜境亦何有無言知祖心生平
避浮俗與物苦差參脫去猶未得塵埃嗟滯淫長廊秋
日薄古木野霜侵徙倚誰晤語獨歸還獨吟

夜吟

簾捲涼侵戶牕虛月過帷高桐清露濕深柳夜蟬嘶斷
續銀河轉欹斜斗柄移風來高葉報伏近候蟲知陶令
尊無酒潘生鬢有絲將何慰愁寂倚杖獨題詩

斜日二首

斜日歸殘暑秋容淡太虛間雲工變易片月自清孤淹
泊年華老淒涼歲事餘時違自樸拙興懶日蕭疎阮籍
慵耽酒文園病著書簪纓非草野江海得樵漁
伏盡金纜壯天高水欲流病悰拋酷暑詩興得高秋晝

靜塵埃少宵涼河漢浮青傷桐葉膩爽奪蕙蘭柔晚歲
寒將屆羣芳葉不收幽人多感慨啼鴉助騷愁病懶非
高臥疎迂卻自由功名與世事擺落醉鄉遊

歲暮獨酌書事奉懷晁永寧

天涯催晚歲殘律去如奔入夜北風惡多陰寒日昏野
吹餘燒燼溪落舊沙痕霜重飢鷹疾田空宿雁喧山明
千筍直雲積萬營屯足雨耕犁早豐年柿栗繁地平秦
接席土斷洛開門白首三年客黃桑數畝村懶梳悲髮

短不寐守爐溫折骨披殘枿蒼龍臥老根晚篴猶竚思
幽蓋助消魂慷慨雙龍釵飄零一酒樽琳琅思秀色環
佩想清言獨語看明燭空庭月出軒

柯山集卷十五

欽定四庫全書

柯山集卷十六

宋 張耒 撰

七言律詩

出都有感

來時雪盡花初發
歸去柳陰蟬亂鳴
四序風光半為客
百年飄泊一浮名
春來多病思高卧
老去違時畏後生
若有黃精換華髮
敢隨車馬到高城

贈別何道士

疎散多違久自知形骸况復病先衰
全身幸免誅三獻避世何勞賦五噫
聞說永嘉饒水石便思輕帆向天涯
卻嗟病翮傷摧甚孤鶴高飛不得隨

北橋送客

橋上垂楊繫馬嘶橋頭船尾插青旗
船來船去知多少橋北橋南長別離
亭上幾傾行客酒遊人自唱少年辭
百年回首皆陳迹浮世飄零亦可悲

九日獨遊懷故人

故人分散在天涯九日登臨獨嘆嗟
人世光陰催日日鄉閭時節自家
家風烟滿眼臨秋盡鼓角荒城送日
斜取醉憑誰正烏帽遣愁猶強揷
黃花

夜

木落風高砧杵傷孤城更漏入秋
長寒生疎牖人無夢月過中庭樹
有霜報落梧桐猶隕葉知時蟋蟀
解親牀年年多病渾無寐靜對楞
嚴一炷香

早春

輝輝暖日弄遊絲。風軟晴雲緩。緩飛殘雪暗隨水。筍滴
新春。偷向柳梢歸。可憐鬢髮蹉跎老。每惜梅花取次稀。
何事都城輕薄子。買懽酤酒試春衣。

上元日駕回登樓二首

紫霧氛霏闔闔開。團團明月上天來。香車百兩天街晚。
清蹕一聲仙仗回。燈隔畫簾時閃爍。風穿高幕故徘徊。
太平日久多閒暇。簪笏從容侍燕杯。

長街十二遠相通
閭闔戢戢彩霧紅
天白華燈交皓月
樓寒朱幕蕩春風
車頭笑語歸時醉
城下傳呼夜向中
自古長安多樂事
周南留滯意何窮

原注予
方寓陳

探春有感二首

出城但怪風光老
草色蒼茫柳色深
烟樹遠浮春縹緲
風光不動日陰沉
芳郊未厭縈紆入
美酒何妨取次斟
羸馬青衫亦何事
一生空負野人心

柳萼蒙茸待放綿
櫻桃新葉大如錢
深春冷落花殘後

寒食朦朧月淡天獨坐每將詩作伴遣愁安得酒如泉
傷心千里休凝望城外東風早滿船

暇日同孫畢二同舍遊李氏園亭

蕩蕩東風散客心出門驅馬問園林花房待暖徐徐放
柳色隨春旋旋深城郭遠來無俗客松篁深處有幽禽
王公留壁題詩句應許騷人盡日吟

暮春

夜雨輕寒拂曉晴牡丹開盡過清明庭前落絮誰家柳

葉裏新聲是處驚
白髮生來如有信
青春歸去更無情
便當種秫長成酒
遠學陶潛過此生

秋興

薄雲閉日晚悠悠
簷雨蕭蕭急未收
佳樹已彫今歲葉
西風還是去年秋
蹉跎不奈時驚客
牢落惟憑酒散愁
多病支離欣得睡
晚來涼氣滿衾裯

秋雨二首

急雨淒風未肯晴
牆陰先報候蟲鳴
掃除暑氣驅三伏

催促秋聲向五更美酒若能斟靖節二毛偏解著潘生
醉來真有無窮意老去何勞浪自驚

陋巷柴門揜寂寥一窓風雨晚蕭蕭
清秋漸冷尤宜懶
閒日苦長無處消
烏几青筇扶病弱
青琴黃卷伴逍遙
交朋南北音書隔
雖有芳樽誰可招

壽陽樓下泊舟有感

壽陽樓下清淮水
帆去帆來何日休
浮世十年多少事
風烟依舊別離愁
樓頭夜靜行人絕
樓下影斜淮月秋

不道孤吟不能寐一聲羌笛怨誰舟

和柳郎中舒州潛菴二首

浪走塵埃竟未甘仙郎六十制潛菴門前山色雲侵坐
峰下秋光水滿潭野鶴避人巢古木清猿乘月嘯寒巖
從今不作軒裳客多買烟霞未是貪

蒼顏華髮未能甘欲覺長年先創菴坐久烟嵐開翠壁
夢回雲雨起寒潭松風夜掃鳴琴榻溪溜晴分種藥巖
不是仙翁有仙骨幽竒爭許世人貪

將至壽州初見淮山二首

浩蕩平波欲接天
天光波色遠相連
風鳴雨霰初離浦
岸轉青山忽對船
澤國秋高添氣象
人家南去好風烟
步兵何必江東走
自有鱸魚不值錢

晚繫孤舟古岸隈
薰葭風定渚鷗回
山兼野色蒼茫去
月向淮心晃蕩來
秋色解將愁並至
年華偏與客相催
青衫手板徒勞爾
富貴功名安在哉

晚發壽春浮橋望壽陽樓懷古

烟水蒼茫古岸高
危樓縹緲枕波濤
山圍粉堞青屏合
橋跨長淮百艦牢
爭戰往年空故國
登臨行客嘆前朝
青旗試問誰家酒
風雨薰葭晚渡遙

夜泊

遠雁初歸楓葉乾
孤舟晚繫岸邊灘
淮聲夜靜凌風壯
月色秋深照客寒
疎拙功名甘澗畧
飄零蹤跡但悲嘆
不關酒薄難成醉
自是年來少所歡

將別普濟二首

老槐疎竹寺門幽九月輕寒襲客裘漠漠淮烟天際晚
蕭蕭山雨坐中秋風前紅葉知時落籬下黃花對客愁
為語老僧無我笑此生終待老林丘

孤城淮北晚鐘殘落日橋邊送客鞍物外樓臺秋更豁
山深松竹晚多寒窻風細細侵衣冷簷雨蕭蕭到夜闌
佳境欲留嗟不可塵埃蹤跡但悲嘆

發泗州

萬艘獵獵戰風桅我亦孤舟別岸隈漠漠曉雲生木末

蕭蕭飛雨送帆開
消磨歲月書千卷
零落江湖酒一杯
因病得州真漫爾
功名於我亦悠哉

病中得晁應之秋懷詩

西風堂下飛黃葉
病卧空牀白日高
疲茶扶行孤竹杖
蕭條隱几兩霜毛
散花有客談真寶
燒藥無人過寂寥
怪得晚來頭目快
新詩秋興苦飄飄

夏日雜興四首

隔牆泉下是東溪
細溜涓涓入我池
一部笙簫寒竹響

百年風雨古槐姿果懸幽檻朱初熟蔓度空牆翠欲垂
野趣轉深身愈老故應寂寞畏人知

無地從容解鬱陶寄懷林野散塵勞含風槐柳參天合
足雨桑麻映露高五斗得官迷簿領一廛何處斲蓬蒿
致身富貴須年少顧我衰遲已二毛

墻下溪流清且長夾溪喬木雨蒼蒼裊風翠果擎枝重
照水圓荷舞葉涼蝸殼已枯黏粉壁燕泥時落污書牀
南山野客閒相過贈我能携藥滿筐

蔬圃茅齋三畝餘
溪光山影動浮虛
病妻老去惟尋藥
稚子年來解愛書
中散無堪心放蕩
馮唐已老興蕭疎
全真養素安吾分
敢謂軒裳不我如

清明日卧病

鶯花零亂清明日
巾褐蕭條老病翁
烏鼎相親勤煮藥
素屏深坐怯當風
愛花未免呼兒摘
畏雨還成對客慵
自嘆年來怨青鏡
衰顏改盡少年紅

水南春望

洛岸東風送馬行橋橫落日半川明
天連觀閣雲垂地春入山河秀滿城
老去飄萍甘屏跡興來懷古未忘情
短歌一曲聊回首不待悲秋白髮生

春日遣興

洛陽自古帝王都百戰荆榛只故墟
零亂園林遺物在嬉遊人物古風餘
草迷公子障泥錦花近佳人油壁車
漂泊強隨遊客轡不辭塵土污衣裾

送楊補之赴鄂州支使

相逢顧我尚童兒二十年來鬢有絲涕淚兩家同患難
光陰一半屬分離扁舟又作江湖別千里長懸夢寐思
何日粗酬身世了卜鄰耕釣老追隨

送楊念行監簿侍行赴鄂渚

楚天南去水冥冥鄂渚悠悠到幾程京洛信稀千里隔
江湖春盡一帆輕莫辭送別青春滿會是相逢白髮生
飽讀詩書取卿相不應如我老無成

送三姊之鄂州

兄弟分飛各一方老來分袂苦多傷兩行別淚江湖遠
五月征車岐路長休嘆伯鸞甘寂寞所欣楊惲好文章
原注克一
甥告為詩北歸會有相逢地只恐塵埃髮易蒼

正月六日

楊柳梢頭臘雪消東風猶著晚寒驕新年花柳傳芳信
去臘星霜變斗杓來共春烟情冉冉洒隨疎雨淚蕭蕭
峨眉一閉年華改縱有遺魂可得招

遊李氏園

堂下新年見草芽驚心強起探年華柳呈雪後青蒼幹
梅破風前一兩花綽約風光新物態栽培園沼好生涯
奔馳世路吾何有一到林塘一嘆嗟

寄榮子雍

蒼茫臘雪欲成泥又見東風上柳枝萬事過前渾是夢
百年投老只添悲功名末路收常晚節物驚心空自知
千里故人猶念我書來辛苦話相思

題朱氏園

東風邀客入芳菲
夾徑吹香李萬枝
啼鳥遠聞知晝靜
好花相續得春遲
連檣東去淮天濶
綠野南環楚澤卑
客至會須留醉墨
主人留榜待新詩

離宿州後寄兄弟

落日村橋涕泣然
東風匹馬去翩翩
兩行綠樹當隋岸
一片春雲限楚天
妄意致身常許國
強顏得祿廢求田
幅巾會作淮南叟
白髮相收一釣船

寄榮子雍三首

東風三月洛陽城傾蓋相逢氣倍增看盡園花方信馬
飲斜樓月更挑燈年光飄忽雙馳轂心事蕭條一老僧
酒病年來慵把筆新文寄我苦憑陵

蒼蒼老柏古南禪嫋嫋脩篁泮水灣此地笑談惟我共
百年交友得君難已甘心向詩書老會與身圖雲水間
年少功名須力致看君朝佩日珊珊

家家新酒滴新醅殘歲崢嶸春欲回霜野寂無新到雁
雪林寒有欲開梅關河路永雙橫轍天地身閒一舉杯

酬答風光千點淚怯將愁眼更登臺

陳履常惠詩有曾門一老之句不肖二十五歲謁
見南豐舍人于山陽始一書而褒與過宜陽有同
途至亳之約未以病不能如期後八年始遇公于
京師南豐門人惟君一人而已感舊慨嘆因成鄙
句願勿他示

南豐冢木已蕭蕭猶有門人守一瓢文彩自應傳壺奧
典刑猶可想風標紛紛但見侏儒飽寂寂誰歌隱士招

十載敝冠彈未得簪纓知復為誰影

泊舟候水

一水悠悠斷復連卸帆終日小灘前
青旗招飲篙工醉五兩敲風賈客眠
樹色遠分芳草路鳥行斜斷夕陽天
漁舟慣伴危檣宿饋我霜鱗不用錢

同李十二醉飲王氏牡丹園二首

東風窮巷只埃塵誰見城南萬朶新
不問主人聊一飲為携佳客送餘春
比君意氣三年老貸我疎狂一味真

醉裏尚能馳馬去看君倒著接羅巾

吹盡紛紛桃李塵天香國艷一翻新正過穀雨初晴日
分得西都大半春舊態似推新艷好紅芳不似淡妝真
嗟予久得丘園意何日相逢一幅巾

同无咎遜叔文叔同遊迎祥得遊字

客子長安塵滿裘道人門館自深幽東風拂地千條柳
春水平池數點鷗俛首一官真底事倒囊三百更何求
讀書挾策君知否失性還同博塞遊

晝卧懷陳三時陳三卧疾

睡如飲蜜入蜂房
懶似遊絲百尺長
陋巷誰過居士疾
春風正作國人狂
吟詩得瘦由無性
辟穀輕身合有方
欲餉子桑歸問婦
一瓢過午尚懸牆

將至海州明山有作

望望孤城滄海邊
好雲深處是人烟
鳥飛山靜晴秋日
水濶人間熟稻天
旗影遠搖沽酒市
棹歌歸去隔村船
功名富貴非吾事
誓斲明山數畝田

秋日登海州乘槎亭

海上西風八月涼，乘槎亭外水茫茫。
人家日暖樵漁樂，山路秋晴松柏香。
隔水飛來鴻陣濶，趁潮歸去艣聲忙。
蓬萊方丈知何處，烟浪參差在夕陽。

屋東

蒼鳩呼雨屋東啼，麥穗初長燕子飛。
竹裏人家雞犬靜，水邊官舍吏民稀。
溪聲夜漲寒通枕，山色朝晴翠染衣。
賴有西鄰好詩句，賡酬終日自忘機。

題齋壁

松庭日午聽啼鶯，簾外人稀睡老鈴。
已歎近秋添白髮，

更因多病讀黃庭。江魚未上烹難致，

原注江魚未上則不漁丹陽暑日絕

無魚

吳酒空斟醉易醒。好住安心莫惆悵，
此身天地一浮

萍。

次韻李德載見寄

頭顱幸獲免姦鋒，甘分江湖老釣蓬。
老得一州聊自慰，相望千里與誰同。
已欣臺省登羣俊，猶數湖湘卧病翁。

原注謂二蘇公來書之及

詩就醉餘頻走筆待觀雲海戲羣鴻

讀孫巨源經緯集

等閒咳唾爛成文奏牘三千世共珍
不向人間調鼎鼐卻歸天上作麒麟
侍遊曲水歡何在敷奏延英迹已陳
四輔當時曾避柱熙寧天子屬詞臣

將赴上庠偶成

卷中課最詩成後枕上功名睡美餘
弟子解疑常隱几輪人能笑久觀書
山林沉痾時搔首松菊耽淫自荷鋤

干世可能尋一飽
齏鹽未用食無魚

寄楊克一

吾甥頗似魏家舒
新罷推囚卻著書
顧我獨傾陶令酒
思君同鱸季鷹鱸
荒涼雲物秋將老
寂寞山城誰與娛
倏忽風光行老矣
躊躇不去欲何如

己卯十二月二十日感事二首

高樓乘興獨登臨
搔首天涯歲暮心
帶雪臘風藏澤國
犯寒春色著烟林
山川極目風光異
歲月驚懷老境侵

可是斯文天未喪
楚囚何事涕沾襟

蹉跎流落已華顛
又見荆湖一歲遷
人怯苦寒愁日短
天收殘臘放新年
園林寂歷飄梅後
里巷經過爆竹前
自料知非猶得在
潛心久學衛蘧先

冬節小不佳懷正叔老兄

老境光陰短
景催新冬又復一年回
焚香燕坐衣僧衲
煮藥高眠廢酒杯
處處庖厨鳴甕缶
年年歌笑慘風埃
孟公歌舞猶須雪
未放愁眉取次開

未將之臨淮旅泊泗上屬病作迎候上官不敢求
告比歸尤劇踈拙無以自振但自憫歎耳

謀身不解免飄蓬零落孤舟西復東雙鬢雖青應早白
病顏更醉不成紅崎嶇避俗人難合憔悴多愁疾易攻
蓴菜碧鱸秋正美步兵終欲向江東

放人汴上有感

萬尾鱗鱗汴岸舟汴流日夜去悠悠舟行水去常如舊
世事紛紛何日休落日昏昏天際晚白雲片片碧天秋

案此下

脫二句

望龜山二首

淮上風高寒日西
龜山嶺下白雲歸
遊人苦憾日已晚
青山自與雲為期
輕舟漁子犯烟去
照水白鷗窺影飛
人間不作逍遙客
老去塵埃空滿衣

日落龜山山更清
原頭啼鳥已春聲
可憐山近不能到
盡日與山相對行
雲裏人家自來往
天邊樓閣遠分明
白鷗不解遊客意
驚起碧烟深處橫

次韻答存之

環堵蕭然汝水隈孤懷炯炯向誰開
青春不覺書邊過白髮無端鏡上來
祭竈請鄰聊復爾賣刀買犢豈難哉
故人休說封侯事歸釣江天有舊臺

離天長寄周重寶

相逢握手便忘形射策天門盡弟兄
浮世有誰尊道義青衫自笑為功名
高談未盡胸中意作別猶如夢後驚
半夜叩門投野寺天寒孤月更分明

秋宮

帳額爛斑暗舊金玉猊香重煖沈沈秋風宮殿梧桐老
暮雨樓臺簾幕深銀箭漏遲雞唱曉綺窓人睡晝生陰
無眠慣滴班姬淚聽盡長安夜夜砧

題堂下桐

零落當軒兩樹桐秋來相伴一衰翁寒枝向月空餘影
墮葉知時不待風故國山川天黯淡美人音信雁西東
歲華節物俱寥落滿眼牢愁賴酒攻

登海州城樓

城外滄溟日夜流
城南山直對城樓
溪田雨足禾先熟
海樹風高葉易秋
疏傅里閭詢故老
秦皇車甲想東遊
客心不待傷千里
檻外風烟盡是愁

秋日憶家

汨汨流光長遠客
年年秋至是離家
孤城入夜寒更迴
霜月滿天歸夢賒
撼撼老桐風後葉
娟娟疎菊雨殘花
茅簷布被猶無力
長走塵埃真可嗟

七言

飛鴻歸盡燕將還
亭院深沉人倚欄
斜搭鞦韆寒食雨
已黃楊柳暮春寒
密毬杏萼紅如糝
半落梅花香未殘
人世年年非舊事
感時惟有淚沍瀾

山下

山下疎鐘日夜催
城頭畫角五更哀
流年忽忽愁中過
世事紛紛空裏來
沮溺漫高輕世節
管商空盡濟时才
古來擾擾今何有
一熟黃粱夢已回

京師廢宅

當道朱門白晝扃高堂歌吹久無聲古窓積雨昏殘晝
朽樹經陰長寄生門下老人時灑掃舊時來客嘆平生

案此
韻復

艷姬驕馬知何處獨有庭花春正榮

送徐任

白髮青衫困宦遊相逢不復話封侯少年壯氣青雲上
投老生涯一醉休獻璞誰憐藏美玉惡聲不至為虛舟
從來滿卷新詩句寫取淮天萬里秋

登城樓

沙雨初乾巾褐輕獨披衰蔓步高城天晴海上峰巒出
野暗人家燈火明歸鳥各尋芳樹去夕陽微照遠村耕
登樓已恨荊州遠况復安仁白髮生

寄陳鼎

懶著青衫沉醉眠近來沽酒困無錢常憂送乏隣僧米
何啻寒無坐客氊直道漫憑詹尹卜浮生已付祖師禪
祇應居士無醒日知有淵明種秫田

原注陳新置九
華田自號居士

柯山集卷十六

欽定四庫全書

柯山集卷十七

宋 張耒 撰

七言律詩

蓬瀛臺二首

青冥不盡海茫茫一望蓬瀛去路長
秋信解憑詩客寄春心長為楚魂傷
縈回四望山如畫興廢千年木已蒼
直使臺傾荆棘滿聞琴何用涕霑裳

蒼烟喬木古臺荒下見蓬瀛六月涼過雨誰知非峽女
好風應是為襄王歡來未放流年老事去卻尋陳迹傷
飄泊南遊未能返興來回首獨淒涼

和即事

溪如圓塹木如城魚鳥從遊信此情啁雀踏枝飛尚裊
仰荷承雨側還傾彈琴廢久重尋譜種藥求多旋記名
于世久判無妙策直應歸學老農耕

自海至楚途次寄馬全玉八首

迂疎懷抱獨君知杖拂親依即我師一句未能參妙道
數篇空復寄新詩子方奮迅雲間翮我厭追隨世上兒
安得巖垞兩如志銅餅烏几為君攜

蕭蕭柳岸野風秋虹掛前山晚雨收回首孤城空綠樹
滿川斜日放歸舟年來雙淚供愁盡去去勞生幾日休
試問故人思我否夢魂猶在海邊州

高城欲去更徘徊病眼登臨強一開風物盡為愁裏景
山川疑是夢中來此身雙鬢何勞白未老塵心可得灰

欲把煩愁付杯酒祇應清夢待尊罍

生涯飄泊一航輕浩蕩晴川送我行北望山川連海遠
南來風月近淮清人家稻熟豐年滿澤國天高秋意生
惟有羈愁消不得登臨清淚落如傾

少年居士正安禪法是懷公門下傳已解出塵金裏鑛
何妨離欲火中蓮苦心參道嗟予晚極口隨機恃子憐
若許維揚傍仁里一廬須買許行田

蕭蕭晚雨向風斜村遠荒涼三四家野色連雲迷稼穡

秋聲催曉起，蕙葭愁如夜。
月長隨客身，似飛鴻不記家。
極目相望何處是，海天無際落殘霞。

二年海角寄東城，歲久移居亦有情。
去路山川嗟我遠，舊時風月爲誰清。
一廬受地今難繼，三徑懷歸久欲耕。
何日山林有茅屋，百年無復問功名。

紫蜨雙螯薦客盤，傾來不覺酒壺乾。
雨多澤國蒲魚美，秋至楚天風露寒。
老去論文嗟我晚，尊前一笑憶君歡。
紅蓮幕下無書檄，剝寄新詩滿卷看。

夏日三首

長夏江村風日清
簷牙燕雀已生成
蝶衣晒粉花枝午
蛛網添絲屋角晴
落落疎簾邀月影
嘈嘈虛枕納溪聲
久捩兩鬢如霜雪
直欲樵漁過此生

黃簾翠幕斷飛蠅
午影當軒睡未興
枕穩海魚鰕紫石
扇涼山雪畫青繒
廊陰日轉雕欄樹
坐冷風生玉碗冰
滿案詩書塵蠹甚
故應疎懶過炎蒸

棗徑瓜畦經雨涼
白衫烏帽野人裝
幽花避日房房歛

翠樹含風葉葉香
養拙久拚藏姓氏
致身安事巧文章
漢庭卿相皆豪俊
不遇何妨白髮郎

和晁應之大暑書事

蓬門久閉謝來車
畏暑尤便小閣虛
青引嫩苔留鳥篆
綠垂殘葉帶蟲書
寒泉出井功何有
白羽邀涼計已疎
忍待西風一蕭瑟
碧鱸斫鱸意何如

遣興次韻和晁應之四首

老去詩書倦討論
一樽相對尚殷勤
鍛爐放蕩狂中散

書閣蕭條老子雲要路交親嗟隔濶他鄉耆舊飽知聞
衰知多病頭風甚解寄新文獨有君

西風淅淅滿征衣天畔危亭面翠微雲解映山常漠漠
葉知辭樹亦依依苦飢黃鵠猶謀食無事輕鷗得遠飛
落日秋風滿江漢杖藜三歎未能歸

夜泛孤舟清洛津宓妃輕步若為親清涵星漢光垂地
冷覺魚龍氣近人鏡裏悲秋雙鬢髮馬邊隨客兩京塵
愁心欲比東流水滾滾無窮日日新

蓬門鳥雀啁黃昏歸徑牛羊各有羣
水濶魚龍陰後出山空虎豹夜深聞
西來客引秦川雨南去秋連楚澤雲
唐漢廢興無處問西風未忝但邱墳

自巴河至蘄陽口道中得二詩示仲達與秬同賦
落月娟娟墮半環嘔啞鳴鴈轉荒灣
東南地缺天連水春夏風高浪卷山
旅食每愁村市散近秋已覺暑衣單
自慙老病心兒女三日離家已念還

浩浩渾流卷白沙中流鼓棹四無涯
喜逢山色開眉黛

愁對江雲起砲車雨足郊原豐稻菽日斜鷗鷺滿蒹葭
長年怕作扁舟客賴有高談一笑譁

離蕪陽守風林皇方慮風壯晚未知所止俄頃風
息一食頃宿富池作詩示同行

老怕風波見輒驚賴逢談笑慰危情縱觀雲嶺屏風合
坐見江濤鏡面平淹速人生難預計險夷世路不須營
塵埃老作東州守得得扁舟作此行

離富池望廬岳是日入夾口直達潯陽遂舍大江之險

山秀江清三百里與君三宿一扁舟
飲殘桑落溪雲暮
卧冷桃笙楚雨秋
舟隱長江逢夾口
眼明五老立雲頭
幾年澤國行將遍
歸與親朋說舊遊

二十三日即事

已逢斌媚散花峽
不怕艱危道士磯
啼鳥似逢人勸酒
好山如為我開眉
風標公子鷺得意
跋扈將軍風斂威
到舍將何作歸遺
江山收得一囊詩

度洛因泛舟東下數里頗憶淮上

汙汙清洛轉山隈
渺渺東流不復回
輕鳥竟隨青嶂去
亂波爭泛夕陽來
偶驚舟楫鄉心起
乍脫塵埃病眼開
疑是盱眙郭門外
月明帆席過清淮

縣齋

只合門如野叟家
市朝聲利苦喧嘩
但知得醉頻沽酒
何處逢春不見花
暗樹五更難報曉
晚庭三疊鼓催衙
知君宰邑端無事
吟笑何妨到暮鴉

和周廣彥

天光不動晚雲垂芳草初長觀馬蹄新月已生飛鳥外
落霞更在夕陽西花開有客時攜酒門冷無車出畏泥
修禊洛濱期一醉天津春浪綠浮堤

春日遣興二首

流光向老惜芳菲搔首悲歌心事違綠野染成延晝永
辭紅吹盡放春歸荆榛廢苑人間牧風雨空城烏夜飛
斷送一番桃李盡可憐桑柘有光輝

日烘烟柳軟于絲桃李成塵綠滿枝芳草有情隨處好

落花無賴信風吹
關心傷感知何處
過眼芳菲能幾時
一病春來妨痛飲
遣愁惟有強裁詩

錢仲珣追船及陳留

野岸南風百草長
汙汙返水卷沙黃
扁舟轉施迷城市
送客追船羅酒漿
休唱陽關傷遠別
所欣蓴菜入新堂
宦名衰晚君無問
便得封侯鬢已蒼

遣興次韻和晁應之四首

日落村虛烟靄青
草根促織晚先鳴
羣山衮衮望中去

新月娟娟愁裏生
暗峽風雲秋慘淡
高城河漢夜分明
寄書故國還羞澁
白首蕭條老病嬰

洛陽宮殿鎖埃塵
翠輦東還幾度春
雙闕曉雲連太室
九門晴影動天津
地藏寶鼎寧無祲
龍護靈書固有神
遊豫此時期聖主
保釐從古仗元臣

女几山前雲雨收
五更星斗轉西樓
蒼蒼淡月關河曉
裊裊西風觀閣秋
獨鶴有求時飲啄
孤雲無事任沉浮
可憐白髮張公子
還望西山歌四愁

露下風悲螢火流周南羈客意悠悠山川老去三年淚
關塞秋來萬里愁慣逐禽魚諳異俗每因霜月夢滄洲
一拋硯井雙蓬鬢天畔詩成獨倚樓

新霽

園門幾日斷行蹤新霽欣然路小通晚萼有情開宿雨
長林盡日舞高風后皇佳植寧無橘鸞鳳求棲亦有桐
不惜園林娛逐客此情誰似主人翁

與李文舉登夢野亭

樽俎相逢散百憂雖非吾土共登樓
天邊雲送荆王雨
江上楓彫宋玉秋華髮不堪懷故國
清杯相與散牢愁
清談七澤誰強健莫學騷人賦遠遊

登夢野亭懷舊

曾上高臺望翠微重來悲嘆客難期
章華蒼莽尋無處
雲夢逶迤寒更遲墨客多情曾痛飲
玉簫何處弄妍詞
請君點檢當時事只應朱顏非舊時

北堂齋居示鉅結

窮臘貧家絺紵單
可堪過兩夜堂寒
屏除葷酒神應爽
談笑詩書樂未閒
淨境眼前無俗物
清都夢到有飛翰
雞鳴月落紙窓白
疑是從天風馭還

送復守張垌朝奉罷歸

一夢西都十二年
竟陵相遇各華顛
風流家世仁人後
愷悌歌謠楚俗傳
學道愛君甘淡薄
倦遊嗟我久留連
自憐江上傷春眼
不待琵琶已泫然

歲日同郡官朝天慶回偶成

清曉琳宮拜謁還駝裘猶怯夜霜寒春生七澤蒼茫外
日上三山縹緲間投老埃塵從馬後異時班綴近龍顏
人間倚杖誰能料一酌芳醪興未闌

僦居小室之西有隙地不滿十步新歲後稍暖每
開戶春色闌進戲名其戶曰嬉春因為此詩

蒼蒼老櫓已消雪冉冉烟蕪欲闌妍圍得青春數畝地
斷將平楚一方天春風入戶如相覓新月低窓最可憐
老子婆娑便終日一壺春酒與周旋

發安化回望黃州山

流落江湖四見春
天恩復與兩朱輪
幾年魚鳥真相得
從此江山是故人
碧落已瞻新日月
故園好在舊交親
此生已免嘲僇父
莫避北風京洛塵

發雲山近岐亭望光蔡接尉氏

白草黃茅間瘦田
郊原殘暑已蕭然
澤連楚夢悲秋野
山近堯封望日天
濃綠遠陂鋪晚稼
幽香秋水折殘蓮
熱行更益相如渴
悵望華陵陸子泉

贈僧介然

寒窓寫就白雲篇客至研茶手自煎
儒佛故應同是道詩書本是不妨禪
長松千尺巢雲鶴寒嶠三更嘯月猿
請以篇章為佛事要觀半偈走人天

寄子由二首

萬里歸來真得仙七年瞻望漫悵悵
安閒舊得還丹訣著論新成古史編
應接強顏聊復爾是非袖手獨超然
門人白首侯芭在眷戀微官愧昔賢

文席他年聞至言艱難不敢墜周旋文詞老去真何益
道妙平生薄有緣人事眼前惟欲睡丹經肘後更難傳
清秋一室林泉好灑掃思為杖屨先

卧病月餘呈子由二首

薜室悠悠昏復朝強披莊子說逍遙四禪未到風猶梗
九轉無功火不燒學道若為調鹿馬是身不實似芭蕉
丹砂赤箭功何有想聽清言意自消

風葉鳴窓已復朝喚回歸夢故山遙酒壺暗淡浮塵集

藥鼎青熒敗葉燒閉戶獨依寒蟋蟀移床近就雨芭蕉
雪深更請安心術長日如年未易消

次韻李晉裕教授九日見贈

滿酌聊酬菊蕊黃登高仍在太山陽笑談佳節賓朋集
詩酒清歡興味長倦客得閒聊欲飲老人雖醉不成狂
先生莫嘆齏鹽久行見高才類出囊

謁太昊祠

千里垂精帝道尊神祠近正國西門風搖廣殿松杉老

雨入修廊羽衛昏
日落狐狸號草莽
年豐父老薦雞豚
舊遊零落今誰在
塵壁蒼茫字半存

上元後步西園

物態欣欣換舊年
收燈城市卻蕭然
風光欲到冰霜樹
日月初回雨露天
近水遠山情脉脉
碧雲芳草思綿綿
酬春欲辦千釭酒
灑掃花前作醉眠

上元思京輦舊遊三首

萬雉春城逼絳霄
上元雕輦盛遊遨
遲遲瑞日低彤傘

焯焯榮光上赭袍雲捲朱簾開綵雉山盤玉闕枕仙鰲
長安一別將華髮溪竹山城夜寂寥

九門燈火夜交光羅綺風來撲面香信馬恣穿深柳巷
隨身偷看隔簾妝身居薄宦安知樂心逐流年暗減狂
留滯山城莫嗟嘆貂蟬從古屬金張

隨計當年寄玉京一時交結盡豪英倒觥凌亂迷籌飲
醉帽敝斜並轡行仕路飛騰輸俊傑山城憔悴感功名
佳晨強酌清樽酒寒竹蕭蕭月正明

文周翰惠酒以詩謝之

一夢東都白髮新天涯同是弔靈均讀書久誤平生事
飲酒聊娛見在身漢上卧龍新得兩江邊饑雁晚知春

黃髯相見應相問為道真成澤畔人

原注時周翰自漢陽移陝與師是為

代予亦自復移倅齊安黃多騷故云

金陵懷古

控帶洪流古帝城欲尋舊事半榛荆六朝山色情終在
千古江聲憾未平設險邱陵荒蔓草帶城桑柘接新耕

十年重到無人問獨立東風一愴情

都梁夜景

原注汴上亭名

浩浩黃流注渺漫南山峰嶺對嶢峴青燈覆地嚴城夜
白月當天淮上寒酒市歌呼迷客醉畫樓燈火暗更殘
扁舟老客無餘事擁褐高眠夜未闌

大暑戲贈希古

去年揮汗對淮流寒暑那知復一周土潤何妨兼伏暑
火流行看放清秋鬢鬢總白難相笑觀廟俱閒好並遊

只怕樽前誇酒量一揮百醖不言休

春晚有感

洛川三月鶉鴒鳴游絮縈空塵不驚茸茸草色鋪風軟
點點楊花著水輕何處浮雲度天末不妨微雨破春晴
江南有客增歸思悵望汀洲蘋芷生

七月十五日希古生日以詩為壽

蒼顏白髮老祠官邂逅淮揚一笑歡且可鯨吞庖滿酒
行看鶚立豸擎冠壽觴滿對秋風舉生日欣逢伏暑闌

閱世祝公松栢壽從來霜雪不能寒

中秋無月戲呈希古年兄

放逐江湖一釣舟
蕭條故國又逢秋
炎涼始信來如舊
歲月相催逝不留
日落千蛩喧戶牖
風高一雁下汀洲
地無積潦蟾華好
誰買新醪作夜遊

病肺齒痛對雪

擁庭晴雪照高堂
卧病悠悠廢舉觴
肺疾僅同園令渴
齒傷不為幼輿狂
交飛翠筍知誰醉
獨嗅烏巾認舊香

惟有烹茶心未厭故知淡泊味能長

泊舟都梁亭二首

旅枕無眠客夢勞五更旁舍一鷄號汴淮水濶浮梁小城郭霜晴寶塔高梅鎖冷香通雀啄水翻新綠出漁篙君恩許作還鄉客肯對江蘿賦廣騷

微春已動陳根綠晴日初流太澤澌客路苦寒惟飲酒老年便煖屢添衣霜林背日梅遲折冰渚知春雁早飛江上三年陳迹在年年穿竹折梅時

都梁雪天晚望

浮梁淮面欲飛騰
金碧浮屠間玉層
古岸蕭條風捲雪
長河咽絕水浮冰
留連淮汴殘年客
蹭蹬塵埃一老僧
聞道都梁梅未折
可隨桃李畏嚴凝

大雪中李提舉惠玻璃泉兩榼二首

南山春雪凍雲凝
暗火青燈急霰聲
栗烈殘年新慶雪
玻璃美酒舊知名
饑腸未慣猶空吼
凍臉何知輒妄頰
隱忍且須留一榼
晴明待作探梅行

峰高凍雪埋蒼玉河靜黃沙咽濁流嗟我殘年為遠客
煩君雙槩散羈愁屠蘇禦歲將傳盞綵勝宜春欲挿頭
痛飲須知謀日富無田何用慶來麴

戲贈張嘉甫

鐵鎖沉淵誰敢干塔中古佛澹無言歲窮故里何時到
舟泊危亭盡日閒博士齏鹽稀把酒腐儒冰葛慣衝寒
籃輿未怯浮梁險興發猶能走馬鞍

舟中書事

久客益知行路難鏡中雙鬢不須看山川積雪堅冰地
舟楫長淮古汭間餽費主人勤俗禮書來故里勸加餐
北歸漸踏塵埃道盡日危亭且看山

戲同小兒作望南京內門

別都制席擬王畿雙闕峒堯望太微高乘旂常難望幸
九天樓觀自相輝百年龍虎興王氣萬雉金湯却敵威
一夢江南尚淹泊風塵似欲變征衣

同榮子邕登石家寺閣

高樓南望一傷神
靄靄東風萬里春
地澗山川團白日
天低觀闕近浮雲
驚心鳥語知時好
照眼花枝著意新
不是尊羹勝羊酪
素衣真怕洛陽塵

不出偶成二首

老人杖履一茅亭
花謝西園不復扃
翠被一方都蓋覆
紅妝數子尚娉婷
可憐鶯蝶狂都歇
頗覺風雲意有營
聞說陂田兩三尺
遠城醜水種春秔

結茅亭下小池新
積雨通溝灑晚春
風掠塵埃出明鏡

影吞林木卧青雲泥中蘋藻生無數江上鷓鴣坐得聞
太液漸臺深斗極乘間杖履得相親

和李令放稅

晚田既廢麥初耕冠蓋侵星獨出城但見饑寒號歲晚
不聞簫鼓賽秋成倉無農父千斯慶稅比周人什一輕
撫字從來須守令莫辜聖世念疲氓

贈无咎

快哉亭下水連城落日斷霞相映明人在捲簾尊俎裏

詩從揮塵笑談生揚州何遜風流在江夏黃香句法清
案此下
脫二句



柯山集卷十七

欽定四庫全書

集部

柯山集卷
十八至
二十一

詳校官庶吉士臣汪彥博

侍讀臣孫球覆勘

總校官進士臣程嘉謨

校對官學錄臣常循

膳錄監生臣高憲曾

欽定四庫全書

柯山集卷十八

宋 張耒 撰

七言律詩

萬松亭有感

聲磬山行穿翠微
石雲秋露濕秋衣
朦朧小睡還成夢
諷詠新詩且療饑
千里歸來人事改
四年辛苦舊容非
祇應亭下青雲益
依舊蒼腰聳十圍

送塔陳景初還錢塘

乃翁風節老彌堅
嗣子清修學有傳
為愛詩書賢事業
肯羞葛練拙包纏
經年上國勞歸夢
一棹寒流放去船
飽讀陳編勤筆硯
書來寄我好文編

登懸弧城感吳李事

將軍戈甲從天下
丞相旌旗匝地來
堪笑怒螳猶強臂
不知螻戶欲驚雷
咄嗟武相深冤洗
指顧山東逆境開
吏部聲名千古在
段碑何處卧蒼苔

原注韓碑既磨復命段文昌撰段碑

不復
見

二月十七日欲招客飲而風霾不果有作

欲攜佳客燕高堂園館春風又作狂猶挾冰霜餘意氣
未分桃李好風光青山無賴藏雲岫流水生波艷野塘
不飲何妨還燕坐閉門掃地獨焚香

鴻軒下有薔薇予初至時生意蓋僅存耳予為灌
溉壅護今年春遂大盛仲春著花數百萼大幾如
芍藥豐盛妍麗頃所未見也余有黃州之行酌酒

賞別

堂下薔薇親灌溉辛勤纔見一春花時如轉轂無停軌
客似飛鴻不定家一歲相邀伴寂寞明年誰復對芳華
驅車又向黃州去風月相望一嘆嗟

早登望嵩樓望少室雪畏風不敢招客

臨汝城中春雪消望嵩樓上對苔莢已披氛霧呈孤秀
未許春寒上次寥子晉玉笙如不隔浮邱仙袂欲相招
便思喚客同清賞苦畏春風入敝貂

下春風嶺

東歸已過春風嶺度盡千山路漸平人事水泡能幾日
流光駒隙卻堪驚居人落落多新屋行店依依認舊程
世事飽諳身已老區區來往笑浮生

江亭別故人

津亭把酒燕西東無復餘花一點紅農事一春荒積雨
長淮千里駕東風休談世事循環外且寄騷愁醉眼中
船鼓已鳴篙纜起客行何事亦匆匆

讀黃魯直詩

江南宿草一荒邱
試讀遺編涕不收
不踐前人舊行迹
獨驚斯世擅風流
一尊華髮江邊客
萬里黃茅嶺外州
虎豹磨牙九關邃
重華可訴且南遊

原注辛巳歲魯直見予黃州江上

登城隍廟

靈祠孤絕壓城頭
下瞰清濠一曲流
盡日風埃昏几席
有時簫鼓祭春秋
西瞻太昊祠千樹
北望封君土一丘
旅客登臨一長望
春心容易起騷愁

奉議楊君予姊丈也。庶靜樂道，不交世俗，造道微妙，自得不耀。未六十而終。予實銘其墓，其子克一又纂其遺文，求書卷末懷想平昔，不知涕之橫集也。

楊君冢木已蕭蕭，筆墨遺文久寂寥。墮淚交親悲宿草，長饑奴僕守空瓢。平生好事誰能繼，後世高名骨已消。欲酌一杯澆墓隧，遺魂楚些倘能招。

老舅寓陳諸，況不能盡布以二詩代書，得閒為和。

佳也

欲知老子居陳事古寺蕭條屋數楹幸免絕糧慙孔聖
更無環堵羨淵明參差拙句何曾是寵辱浮雲無可驚
斷送光陰須美酒惟應此事費經營

浮生已老付悠悠未免饑寒目下憂全仗黃庭能邵老
那堪白髮更悲秋所欣耳界常清淨漸放心君得自由
壘塊苦消消未盡每逢風月亦閒愁

贈邵老

案首句脱
去四字

極蒸噓念子柯山守舊廬廬叟今無僧送米

案第三句
亦脱四字

吏徵租上書自薦心應恥扶策躬耕計未疎

虎豹九關今肅穆王門行看曳長裾

仲夏

雲間趙盾益可畏淵底武侯方熟眠若無一雨為施澤
直恐三伏便欲然筭商酤酒有底急束帶坐曹真欲顛
平生不解作熟客且復飽食窺陳編

過泗州推官王永年致仕還鄉王年四十而致仕

士大夫所少也

為憶田園便拂衣休官退勇似君稀塵埃擺脫青衫去
閭里驚嗟白髮稀南畝稻粱仍歲熟舊山芝朮入秋肥
百年從此皆閒日寄語人間浪是非

依韻和范三登淮亭

身如客雁寄汀州北望休登王粲樓殘雪朔風驚歲晚
早梅新柳動春愁免遭斤斧甘無用敢向波濤較善游
奔走塵埃欲歸去勒移恐作故山羞

離山陽入都寄徐仲車

孤城芳樹碧層層
村落黃昏只見燈
迴首事如前夕夢
出門心似下山僧
仕求行道時難偶
意欲謀閒力不能
寄語東臯多釀酒
待予歸日解行滕

題淮陰孫簿壁

荒涼官舍對淮流
樽酒相逢為少留
夾道老椿鴉哺子
隔牆荒草牧呼牛
渡頭人散前村市
天際帆來何處舟
自古詩人最多感
新篇應解寫騷愁

題洪澤亭

三年淮海飄萍客今日亭邊再艤舟人似垂楊隨日老
事如流水幾時休閒于萬事常難得仕以為生最拙謀
此世定知猶幾至遑遑奔走欲何求

宿泗州戒壇院

樓上鳴鐘門夜扃風簷送雨入疎櫺老僧坐睡依深壁
童子持經守暗燈千里塵埃長旅泊五年憂患困侵凌
誰知避世天然子一見禪翁便服膺

原注天然
丹霞也

宿柳子觀音寺

黃塵滿道客衣穿古寺荒涼暫息肩
倦體收來便穩榻汗顏濯去快寒泉
野僧治飯挑蔬至童子攜茶對客煎
夜久月高風鐸響木魚呼覺五更眠

寄滁州邵子發同年二首

夫子才豪官尚卑窮城冷落有誰知
莫嫌五斗紆高興且與青山賦好詩
得失可齊陶令酒功名休問蜀莊著
三年流落甘憂患一笑何當慰別離

年來萬事付禪宗兩鬢雖青心已翁欲借一厘希許子
更將五斗繼無功春來行樂君應厭老去裁詩我未工
聞道琅邪山色好為題新句寄清風

雁

知時避就物之難千里蕭蕭振羽翰水國稻收朝食乏
海天霜重夜飛寒烟雲秋去南山暖風日春歸朔野寬
九萬騰凌那可測弋人矰繳漫多端

己未早春有感

南國柳黃鶯未知人情何事憾春遲雪抽宿麥晴來葉
雨長枯榆燒後枝載酒有誰尋寂寞受新只合學支離
近知壁觀安心法亦擬平治不作詩

同袁思正諸公登楚州東園樓

杖藜蕭颯對雲沙白首逢春只歎嗟身老易傷千里目
眼驚還見一年花地平曠野連雲直天帶清淮向海斜
尚有風光供醉筆我生詩酒是生涯

和宏父新秋詩

年年庭下梧桐葉長為騷人先報秋已驚歲月悲霜鬢
更望山川歌四愁浮生百感漫自苦一醉萬慮同時休
瀛州仙客莫惆悵直泛三山烟浪舟

送江瞻道之汝陰尉

少年相見已蹉跎千里分攜可奈何世路險艱知子少
人間憂患屬予多二年窮巷山陽客一棹清風潁水波
我為離居感身世援琴西望獨悲歌

同周楚望飲華園

杖藜攜手踏青苔
瀟洒池亭為客開
柳色漸經秋雨暗
荷香時與好風來
斜陽似欲粧詩句
新月邀將入酒杯
身世已甘長寂寞
忘形賴有子徘徊

登楚望北樓

裊裊危樓百尺梯
秋風有客獨攀躋
路窮流水遠更遠
目斷夕陽西復西
簾卷似迎輕燕入
柳深時有暗蟬嘶
洞庭落葉悲騷客
鴨鵝何勞著意啼

赴官壽安泛汴二首

西來秋興日蕭條昨夜新霜緝緼袍開遍菊花殘盡
落餘寒水舊痕高蕭蕭官樹皆黃葉處處村旗有濁醪
老補一官西入洛幸聞山水頗風騷

落泊雲隨宿雨開西風似與早寒催曉天雁起平沙去
霜岼風鳴敗葉來擾擾勞生移歲月紛紛過眼旋塵埃
求田問舍真良策功業應須與命偕

過少室

驅車繼日未知勞翠靄嵐光下褐袍日暖峯巒開少室

雪餘松柏近嵩高山行歲晚風霜苦地勢西來氣象豪
勝事欲歌紛滿目烟霞深處欲誅茅

寄蔡彥規兼謝惠酥梨二首

自煮新酥罷旋開秦霜猶汗紫梨腮舊園歌舞唐宮廢
灌頂醍醐佛國來寄我遠傳千里意憾君不舉百分杯
西來新味饒鄉思淮蟹湖魚幾日迴

洛川北岬錦屏西竹樹蕭蕭面翠微風月有情常似舊
山川信美不如歸文章送老甘無用魚鳥從游久息機

寄語長安倦游客年來何事素書稀

三鄉懷古

清洛東流去不還漢唐遺事有無間廟荒古木連空谷

宮廢春蕪入亂山

原注光武祠連昌宮

南陌絮飛人寂寂空城花

落鳥關關登臨幾度遊人老又對東風鬢欲斑

壽安懷古

蕭王積甲事空傳子晉吹笙去不還千里荒蕪山色在
百年興廢水聲閒雉飛龍麥新耕地花落叢祠舊戰關

旅宦遠遊仍弔古，苦無樽酒奈愁顏。

水軒書事招壽安僚友

官閒不覺簿書勞，一簟清風午枕高。
靜拂小屏圖女兒，就書新竹記離騷。
城空鬪雉孤飛健，柳暗雛鶯學語嬌。
東縣官曹誰過我，欲沽村酒具山庖。

連昌宮

長安王氣已消磨，弔古遺墟恨愴多。
宮殿成塵新草木，邱陵無主故山河。
雨餘耕隴尋遺寶，夜靜溪泉響細波。

才子已銷泉下骨百年獨諷舊時歌

觀洛漲

雨鎖山川畫不開洛波一夕漲如催西來勢蹴諸山動
東轉聲包厚地迴一片曉光吳陣甲萬

案脫二字

響會稽雷

何人共此乘桴志直到蓬瀛亦壯哉

芳華閣

玉仗無蹤輦路推舊名猶得榜高臺月斜曉樹鳴鶉鳩
日暖春蕪放雉媒清洛夜聲縈谷轉錦屏晴色照人來

淒涼滿眼興亡恨誰是燕城作賦才

福昌雜詠五首

張翰飄然欲鱸膾周南久客意何如風悲故國荆榛地
日落空城雉兔墟明月搗衣聞洛杵故人憑雁寄南書
旅歌辛苦空彈鋏誰念朝盤未食魚

東望川原拱別都漢唐冠蓋已丘墟地橫嵩少雄中夏
天險輾轅困萬夫宮殿荒涼興廢恨山河慘淡戰爭餘
登臨不見淮南道只有風塵滿客裾

乘雲飛去不辭家
女几荒祠一逕斜
溪入亂雲鳴珮玦
樹蟠蒼石老龍蛇
夜寒玉鏡懸清月
天碧霓衣曳彩霞
陵谷易遷塵骨老
衰顏更欲服丹砂

天倚岡巒翠萬重
倚樓搔首更書空
莓苔古屋荒秋雨
草木空山起夜風
漢帛北來邀塞雁
楚招南望憶江楓
塵埃沅落悲生事
白髮年來擬見攻

滿目淒涼供客愁
斷霞殘照想滄洲
風雲蕭瑟三川夜
星斗縱橫萬壑秋
騎省衰遲空作賦
荆蠻留滯感登樓

迷魂不待巫陽些自有騷詞繼遠遊

福昌

故苑芳華路已迷連昌宮闕露沾衣繁華冠蓋當時事
戰伐山河萬古悲野色蒼涼新雨地秋聲蕭瑟夕陽枝
塵埃未有東歸計天畔登臨且賦詩

牛谷口

十萬全師一戰擒谷盤蒼破路幽深淒涼今古興亡事
遼瀾英雄割據心漲洛暮連諸谷雨秋雲低抱半山陰

文皇功業今何處
磨滅荒碑蔓草侵

歸馬二首

歸馬駸駸不受鞭
晚霞如畫照晴川
蕭疎黃葉孤舟岫
零落秋雲斷雁天
臨水登山悲楚客
烹雞酌酒愛諸仙
任從老逐霜毛至
莫遣愁來玉盞邊

蕭蕭霜鬢獨驚秋
病眼天邊暮倚樓
已老馮唐猶不遇
思歸庾信正多愁
溪通積雨流方壯
山入重雲翠未休
一夢淮南經歲別
菊林還向洛陽浮

官舍歲暮感懷書事五首

衙鼓萼萼送夕陽經時無客上高堂
淵明柳老秋多雨
子敬瓊寒夜有霜
山樹葉稀晴摘果
齋爐灰煖曉焚香
經綸自有英雄在
閒散須教屬漫郎

脩竹高槐交映門
公居瀟灑近山雲
醉眠多似陶彭澤
官况貧于鄭廣文
秋菊擣塵供曉餌
寒松收子和香焚
經年門巷無車馬
只有清風伴此君

霜菊娟娟尚有花
蕭條廳樹暮啼鴉
萬竿修竹開侯府

十里青山隱相家麋鹿並遊諳野性詩書相對是生涯
冷官自有貧中樂敢向朱門肉食誇

北風吹雁去翩翩流滯周南又一年田為歲荒陶令秫
酒無人乞廣文錢香籠鉢水清晨咒坐煖蒲團後夜禪
更謝晴明好山色數峰殘雪在簷前

筆床茶竈素圍屏瀟洒幽齋燈火明木落風霜初十月
坐寒星斗欲三更消磨永夜書盈案分付閒愁酒滿觥
干世愈疎身漸老官閒何苦厭山城

望女几雪

萬戟高攢女几晴
卷簾初見雪崢嶸
光迎曉日峰千疊
氣入陰風夜五更
晴色北臨秦甸白
寒威東抱洛陽清
坐看溝壑承餘澤
付與春田次第耕

永濟橋

墟廟無人弔毀垣
故橋遺址至今存
侵波野岼生新草
齧石老沙留舊痕
金殿有基藏兔穴
玉輿無路半樵村
甘棠古道輪蹄斷
落日空山暮雨昏

雪晴野望

蕭蕭空谷隱山雲渡水人歸何處村樵逕雪迷唐苑路
鳥聲寒集漢祠門公堂吏散惟修竹近嶺林疎見飲猿
客坐無羶君莫笑陶潛亦有酒盈樽

福昌南望

朝市推遷不復還暮雲平野水潺潺山川寂寞繁華後
都邑蕭條魚鳥閒鶴柱千年無故老仙棊一局換人間
興亡今古知何極莫向雍琴妄慘顏

戒醉

平生嗜酒愛離騷
痛飲須知屬我曹
仕宦低回要斗粟
功名迂濶欲霜毛
直須減省樽罍費
莫厭沉迷簿領勞
醉吐相茵君勿恃
丙公遺事久寥寥

醉宿慈氏院晨起

痛飲淋漓半夜醒
披衣坐待曉窗明
風松一夕清無限
鑪火三更煖有情
孤閣鳴鐘天黯慘
寒山戴雪晚崢嶸
年來漸向深杯怯
強學劉伶欲解醒

梅花

北風萬木正蒼蒼，獨占新春第一芳。
調鼎自期終有實，論花天下更無香。
月娥服御無非素，玉女精神不尚粧。
洛岸苦寒相見晚，曉來魂夢到江鄉。

送丁宣德赴邕州僉判

邕南亭障久消兵，莫厭扁舟萬里行。
嶺外山川從古秀，幕中談笑屬時平。
天連漲海鵬飛近，風卷孤城颶母生。
勿為跼鵲思歎段，古來男子重功名。

同陳器之題迎福院軒

東風吹面酒榼樽臘後一番梅柳新殘雪作寒山向晚
橫烟不動野浮春地留京洛豪華氣川帶秦韓戰伐塵
今古悠悠君莫問祇應沉醉是天真

春陰二首

漠漠重雲向晚低臘寒新去有餘威風捎簷滴難開幌
潤引爐香易著衣把酒自傾金錯落探春誰汙錦障泥
山城冷落無歌舞只有芳醪取次攜

溪樹昏昏鎖暮雲
晚山愁黛對含顰
不甘小雪猶妨暖
長恨閒陰每占春
寶帶金貂侯第客
鈿車珂馬帝京塵
王城自古繁華地
回首高歌悵望頻

寒食贈遊客

陰陰畫幕映雕欄
一縷微香寶篆殘
寒食園林三月近
落花風雨五更寒
箏調寶柱絃初穩
酒滿金壺飲未乾
明日踏青郊外去
綠楊門巷繫雕鞍

登穀州故城

控扼兵屯事已遼傾歌遺堞隱蓬蒿春蕪滿野牛羊散
秋稼連雲雉兔驕苔卧斷碑昏故刻雨飄殘卉帶餘燒
人間興廢知何極莫謂荆榛便寂寥

東池

東池暮春風景妍汨汨淺渠鳴細泉菖蒲遶堤青似劍
荷葉出水大如錢薔薇著花方未已楊柳飛絮任飄然
鄰翁芍藥正足雨預計開時須醉眠

暮春贈陳器之

牡丹開過解鞦韆
鴉鳴鳴時三月天
盡日好風吹絮雪
一池春水泛蓮錢
溪邊蒲筍供朝飯
堂上圖書伴晝眠
端坐窮城何所得
只收風月入新篇

離光山驛

郵亭結束問殘更
斜月西南雞未鳴
草草勞人常少睡
綿綿遠道苦無情
田家稔熟人情好
野路雨餘秋氣清
老得一州藏拙去
鵷鷺臺閣盡豪英

內生日

從我奔馳走四方清貧殊不厭糟糠
賒妻環堵貧常醉
壽母高堂老亦康夷險百為吾有命窮通一意子真剛
今年生日心無事好為兒孫舉壽觴

次韻張公遠二首

襄王坐上徵詞客子建車前步水妃
瞥過低鬟流盼處
爭先含笑獨來時東邊日下終無雨
闕上書時合有碑
腸斷吳王烟水國扁舟何日逐鴟夷

平淡春雲捧額浮秋光劍戟近人流
無腸可斷方為憾

有藥能治不是愁
可待挑琴知有術
未傳驅豆更無謀
遙知添得春窓夢
尤在樽前燭下羞

柯山集卷十八